

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/56, 31.07.2019թ.

Բողոք բերող անձ՝ «Գդակ» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ ՆՏԱԴ-ԲՄԱՊՁԲ-4/6» բաց մրցույթ

Գնման առարկան՝ Բեռնատար ավտոմեքենաների պահեստամասերի ձեռքբերում

Բողոքի պահանջը՝ Դադարեցնել կամ անվավեր ճանաչել ՀՀ պաշտպանության նախարարության կողմից բեռնատար ավտոմեքենաների պահեստամասերի ձեռքբերման նպատակով հայտարարված «ՀՀ ՊՆ ՆՏԱԴ-ԲՄԱՊՁԲ-4/6» ծածկագրով բաց ընթացակարգի հանձնաժողովի կողմից ընկերության կողմից առաջին տեղ զբաղեցրած մասնակից ճանաչված չափաբաժինների մասով «Գդակ» ՍՊԸ-ի հայտը մերժելու, այդ չափաբաժինների մասով այլ մասնակիցների հաղթող ճանաչելու և հանձնաժողովի կողմից հաստատված պայմանագիր կնքելու մասին որոշումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին

ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

հասցե՝ ք. Երևան, Մելիք-Աղամյան 1

Բողոք բերող անձ՝ <<ԳՂԱԿ>> ՍՊԸ

հասցե՝ ք. Երևան, Սարի թաղ., 1 շարք, տուն N 8

093 88 99 77
gdak@mail.ru

Պատվիրատու՝ ՀՀ պաշտպանության նախարարություն

հասցե՝ ք. Երևան, Բազրևանդի 5

Գնման ընթացակարգի ծածկագիրը և առարկան՝ <<ՀՀ ՊՆ ՆՏԱԴ-ԲՄԱՊԶԲ-4/6>>

ծածկագրով բաց մրցույթ,

բեռնատար ավտոմեքենաների պահեստամասերի ձեռքբերում

Բողոք

ՀՀ պաշտպանության նախարարության /այսուհետ նաև՝ Պատվիրատու/ կողմից *բեռնատար ավտոմեքենաների պահեստամասերի* ձեռքբերման նպատակով հայտարարվել է <<ՀՀ ՊՆ ՆՏԱԴ-ԲՄԱՊԶԲ-4/6>> ծածկագրով բաց ընթացակարգ /այսուհետ նաև՝ Ընթացակարգ/:

<<ԳՂԱԿ>> ՍՊԸ-ն հայտ է ներկայացրել և մասնակցել է նշված ընթացակարգին: Ընթացակարգի գնահատող հանձնաժողովի 28.06.2019թ. ժամը 11:45-ին կայացած նիստի թիվ 5 արձանագրության 4.1 կետի համաձայն՝ 17 հատ չափարամնի մասով 1-ին տեղ զբաղեցրած մասնակից է ճանաչվել <<ԳՂԱԿ>> ՍՊԸ-ն:

Հանձնաժողովը որոշել է ծանուցել բոլոր առաջին տեղ զբաղեցրած մասնակիցներին և վերջիններիս առաջարկել ներկայացնել ԲՄ ընթացակարգի հրավերով նախատեսված որակավորման չափանիշները իր համապատասխանությունը փաստաթղթերը:

ԱՇԽԱՏԱԿԱՂՄ
ԱՇԽ N 15-34700-15
31.07.19

<<Գղակ>> ՍՊԸ-ն ծանուցման մեջ նշված ժամկետում, 12.07.2019թ. սահմանված ժամկետում և կարգով gdak@mail.ru էլ. փոստի հասցեից a.sahakyan@mil.am էլ. փոստի հասցեին է ուղարկել <<ՀՀ ՊՆ ՆՏԱԴ-ԲՄԱՊԶԲ-4/6>> ծածկագրով ԲՄ ընթացակարգի հրավերով նախատեսված որակավորման չափանիշներին իր համապատասխանությունը հավաստող փաստաթղթերը: Նշված փաստաթղթերը հաստատվել են էլեկտրոնային թվային ստորագրությամբ 12.07.2019թ. փաստաթղթերը ուղարկելու օրվա դրությամբ: Նշվածի վերաբերյալ կցվում է և ներկայացվում է gdak@mail.ru էլ. փոստի հասցեից a.sahakyan@mil.am էլ. փոստի հասցեին ուղարկված կարճապատկերումը (screenshot):

Դրանից հետո <<Գղակ>> ՍՊԸ-ն համոզված լինելով որ կատարել է իր պարտականությունները, ստանում է ՀՀ ՊՆ-ի կողմից արձանագրություն, մասնավորապես 17.07.2019թ. N 6 արձանագրությամբ արձանագրվել է, որ <<Գղակ>> ՍՊԸ-ի կողմից չի ներկայացվել առաջարկվող ապրանքների ամբողջական նկարագիրը, ինչով պայմանավորված որոշել է մերժել վերջինիս հայտը:

<<Գնումների մասին>> ՀՀ օրենքի /այսուհետ նան՝ Օրենք/

2-րդ հոդվածի 23-րդ կետի համաձայն՝ գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների ամբողջություն, ներառյալ՝ գնումների պլանավորումը, գնման առարկայի բնութագրի հաստատումը, պայմանագրի կատարումը և կտավարումը,

34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են,

34-րդ հոդվածի 1-ին մասի 5-րդ կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները),

34-րդ հոդվածի 6-րդ մասին համաձայն՝ հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները:

ՀՀ կառավարության 04.05.2017թ. N 526-Ն որոշման 43-րդ կետի 4-րդ ենթակետի համաձայն՝ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին:

Ընկերությունը գտնում է, որ «Գդակ» ՍՊԸ-ի կողմից Հրավերով նախատեսված որակավորման պահանջներին համապատասխանությունը հիմնավորող փաստաթղթերը, ինչպես նաև առաջարկվող ապրանքների ամբողջական նկարագիրը ուղարկվել է Պատվիրատուին: Սակայն էլեկտրոնային նամակը սխալմամբ v.sahakyan@mil.am էլ հասցեի փոխարեն ուղարկել է a.sahakyan@mil.am էլ հասցեին, այսինքն նամակը ուղարկվել է նույն պատվիրատու ՀՀ ՊՆ գնումների վարչության նույն ստորաբաժանման գնումների մեկ այլ համակարգողի էլ հասցեին: Փաստորոն մեր կողմից ուղարկվել է անհրաժեշտ փաստաթղթերը պատվիրատուի գնումների համակարգողին: Նշենք նաև որ «Գդակ» ՍՊԸ-ն առաջին տեղ զբաղեցնող է ճանաչվել 17 հատ չափաբաժնի մասով էժան գին ներկայացնելու հիմքով, ու այս դեպքում մեզ մերժելով ՀՀ պետական բյուջեն կարող է կրել վնասներ: Նշենք նաև որ այս դեպքում անտրամաբանական է որ հատուկ սխալ ուղարկել էլ հասցեն քանի որ այդքան մեծ չափաբաժիններով մասնակիցը չէր կարող հատուկ հրաժարվել հետագա մասնակցությունից:

Ելնելով վերոգրյալից՝ գնումների հետ կապված բողոքներ քննող անձին՝ խնդրում են դադարեցնել կամ անվավեր ճանաչել ՀՀ պաշտպանության նախարարության կողմից

բեռնատար ավտոմեքենաների պահեստամասերի ձեռքբերման նպատակով հայտարարված <<ՀՀ ՊՆ ՆՏԱԴ-ԲՄԱՊԶԲ-4/6>> ծածկագրով բաց ընթացակարգի հանձնաժողովի կողմից ընկերության կողմից առաջին տեղ զբաղեցրած մասնակից ճանաչված չափաբաժինների մասով <<Գդակ>> ՍՊԸ-ի հայտը մերժելու, այդ չափաբաժինների մասով այլ մասնակիցների հաղթող չանաչելու և հանձնաժողովի կողմից հաստատված պայմանագիր կնքելու մասին որոշումը:

Ձեզ եմ ներկայացնում gdak@mail.ru էլ հասցեի արտատպումը, վճարման փաստաթուղթը և տնօրենի անձնագրի օրինակները:

Առդիր *A* թերթ:

<<Գդակ>> ՍՊԸ

Տնօրեն Ս. Երանոսյան

